

湖北德縣志


中國地方志集成

光緒鎮江府志
同治九年刊

光緒續輯均州志

(清)

馬雲龍
纂修
賈洪詔



雍正元年奉

上諭知州知縣朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑責任綦重州縣官賢則民先受其利州縣不肖則民先受其害膺茲任者當體朝廷惠養元元之意以愛民爲先務周察節屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書曰民惟邦本本固邦寧夫所以固邦本者在吏治而吏

續輯均州志

聖制

治之本在州縣苟州縣之品行不端猶基不立則室不固庸有濟乎

皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其爲朕立之基址以固邦本焉誠能潔已奉公實心盡職一州

一縣之中興仁興讓教忠教孝物阜民安刑清訟簡朕將陞之朝亡用作股肱如或罔念民瘼恣意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

續輯均州志

卷首

聖制

二

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾參必從重治罪決不寬貸夫欲清虧空之源莫若節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪供乃職勿貽罪戾毋謂地遠官卑朕不及察其賢否也特諭

雍正四年奉

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之人而蕩檢踰閑不顧名節者續緝均州志 卷首 聖制 三

亦復不少或出入官署包攬詞訟或武斷鄉曲欺壓平民或抗違錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關係極爲重大朕自卽位以來加恩學校培養人才所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端

其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端風俗之不醇也朕孜孜圖治欲四海之大萬民之衆咸傾風慕義革薄從忠故特簡督學之臣慎重教官之職欲使自上而下端本澄源以收實効也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子

續緝均州志

卷首

聖制

四

悉秉誠心如父兄之督課子弟至於分別優劣惟至公至當不涉偏私如此各盡其道則士子人人崇尚品詣砥礪廉隅不但自淑其身而羣黎百姓日聞善言日觀善行必共生感發之念風俗之丕變庶幾其可望也

雍正四年奉

上諭自古帝王致治誠民莫不以重農爲首務書陳無逸先知稼穡之艱難詩載豳風備敘田家之力作論語云百姓足君孰與不足孟子云民事不可緩也蓋國以民爲本民以食爲天農事者帝王之所以承天養人久安長治之本也我國家撫綏寰宇

聖祖仁皇帝臨御六十餘年深仁厚澤休養生息戶口日增生齒日繁而直省之內地不加廣近年以來各處皆有收成其被水歉收者不過州縣數處耳而米價遂覺

續輯均州志

卷首

聖制

五

漸貴閭廣之間頗有不敷之慮望濟於鄰省良由地土之所產如舊而民間之食指愈多所入不足以供所出是以米少而價昂此亦理勢之必然者也夫米穀爲養命之寶既賴之以生則當加意愛惜而不可存輕棄之心且資之者衆尤當隨時撙節不可縱口腹之欲每人能省一勺在我不覺其少而積少成多便可多養數人若人人如此則所積豈不更多所養豈不更衆乎養生家以食少爲要訣固所以頤神養和亦所以節用惜福也況脾主於信習慣便成自然每見食少之人其精神

氣體未嘗不壯此顯而可見者至於各省地土其不可以種植五穀之處則不妨種他物以取利其可以種植五穀之處則當視之如寶勤加墾治樹藝菽粟安可舍本而逐末棄膏腴之沃壤而變爲果木之場廢饔飧之恆產以倖圖贏餘之利乎至煙葉一種於生人日用毫無裨益而種植必擇肥饒善地尤爲妨農之甚者也小民較量錙銖且但顧目前而不爲久遠之計故當圖利之時若令其舍多取寡棄重就輕必非其情之所願而地方官遽然繩之以法則勢有所難行轉滋紛擾惟在

續輯均州志

卷首

聖制

六

良有司勤勤懇懇誼切勸諭俾小民豁然醒悟知稼穡爲身命之所關非此不能生活而其他皆不足恃則羣情踴躍不待督課而皆盡力於南畝矣朕聞江南江西湖廣粵東數省有一歲再熟之稱風俗如此而仍至於乏食者是地土之力有餘而播植之功不足豈非小民習於怠惰而有司之化導者有未至耶或者曰米穀太多則價賤而難於糶賣昔人有穀賤傷農之說諺語所謂熟荒者此則不必過慮假若小民勤於耕作收穫豐盈至價賤而難於出糶朕必多發官價以糶買之使重

農務本之良民獲利自有餘貲也朕生平愛惜米穀每食之時雖顆粒不肯拋棄以朕玉食萬方豈慮天庾之不給而所以如此撙節愛惜者實出於天性自然之敬慎並不由於勉強且以米穀乃

上天所賜以生養萬物者朕爲天下生民主惟有敬慎實重仰冀

天心默佑雨暘時若歲獲有秋俾小民家有蓋藏人歌樂土朕既爲億萬生民計不敢輕忽

天貺爾等紳衿百姓獨不自爲一身一家之計乎朝夕生

續輯均州志

卷首

聖制

七

養之需既受

上天之賜若果加意愛惜隨時撙節則天必頻頻賜賚長官盈寧之福若恣情縱欲暴殄天物則必上干天怒不蒙賜賚而水旱災祲之事皆所不免其理豈或爽哉又聞江西廣西地方竟有以米穀飼養豚豕者試思穀食之與肉食孰重孰輕孰急孰緩而乃以

上天之所賜小民終歲勤苦之所獲者爲豢養物類之用豈不干天和而輕民命乎朕所以惓惓訓諭者惟期天下之人專務本業以杜浮靡愛惜物力以圖久遠共體

朕敬迓

天庥勤恤民隱之意則爾等家室必益至於豐饒爾等子孫必永綿其福澤思之思之毋忽朕言著將此曉諭內外官民人等並通行遠鄉僻壤咸使聞知

續輯均州志

聖制

八

均州志原序

知州黨居易 仍姜

志者史之徵也而經之續也孔子因魯史修春秋則史一經也自周迄漢以來往往藉志以成史則史焉爾經於奚有顧易著包犧以暨連山歸藏至周爻象大備而書則始唐虞迄三代以秦誓終詩則始二南臚列十五國之風以三頌終春秋托始隱公歷紀七十二國退進二百四十二年以獲麟終考亭綱目繼春秋而作底於今茲廿一史咸遵綱目以爲斷謂史之續經非耶然一代之史必因一代之志以損益之而後定則志之弗可

續輯均州志

卷首 原序

一

闕所以備作史者之蒐羅而采輯以成一代之盛典故曰志者史之徵也而經之續也其紀載備矣上以致乎星野則天道備下以察乎山川土田則地道備中以紀乎賢聖仙釋節孝貞良及人文詞賦旁以觀乎雲物風雨草木藥餌鳥獸昆蟲金石鱗介之屬而人物之道無不備之數者於經取之於史取之而於志亦取之則甚矣志之不可不慎也居易筮仕均州涖官之始卽索州志不可得嗣蔣虎臣太史遊太岳授以襄陽府志而均志居其中亦獲什一於千百爾蓋吾鄉趙聖居先生爲

中丞時所手定斷自萬曆十三年終於順治九年居易受而讀之獲覩其大畧乃旁搜遺文側詢長者參閱武當太和山志因謀諸廣文王君劬公邑掾紳朱君連璧別爲均志以萬曆十三年洎康熙十二年踵其舊補其闕增其新廣採其詩文標爲山海麟鳳四卷以紀地方之盛事以昭

國運之休明復刪其冗猥綜其節要首祭天文翼主文明之曜可與奎壁爭輝次審地理太岳雄踞雍豫荆三州之域秀冠天中爲眞聖顯靈之區歷代固秩祀矣至

續輯均州志

卷首 原序

二

文皇極其崇事丕建宮闕明德惟馨而武當乃甲天下以故朝謁者遍十五國赫聲濯靈人咸鼓之舞之以遷善改過而不知爲之者非僅岫嶠宛委之靈所能髣髴其萬一也至於漢水澎湃東流禹貢紀之又東爲滄浪之水酈道元謂武當縣北四十里水中有洲曰滄浪洲水曰滄浪水今滄浪亭巋然峙江干尤其彰明較著者昔文王化行江漢詩咏孔邇均陽在江漢之間迄今俗樸人醜猶有周先王之遺風焉乃山川秀實鍾人文三代暨秦漢不可攷若馮忠敬樹奇勳於唐朝祁理學

明聖學於宋室爲天地間有數人品明之李楊吳張諸

君子以忠節孝友特著而文章事功不可磨滅至鍾水涵高潔大雅識者方之陶淵明龐鹿門則均之人文蔚起爲邦家光其後先相望豈有量哉至若文人墨士覽勝紀占秀添江山之色靈發星雲之光或則倣典訓或出入風騷言孝言忠有關人倫之大在山在水亦徵作賦之才尤當與禹鼎湯盤爭垂不朽者詎可聽其湮滅弗傳哉他如草木禽魚之類爾雅未嘗悉其名山海未能圖其狀又有未易殫述者聊舉人習聞見者而記之

續輯均州志

原序

三

耳此均志之大槩也若夫戶口之登耗土田之荒闢碑心教養以鞏固邦本兼資文武以綢繆未雨此天下之所同而經國者又可因是而憬然矣則卽志以成史而卽史以續經不無有賴於後之君子云

均州志補原序

知州江 閻 辰六

予治益陽之明年一日問客曰縣有志乎客曰百三十年之先有焉不復有矣會移均州偶亦問客曰州有志乎客曰十數年來始有之雖然與無無間也嗟乎益當長沙武陵之衝其受兵也蓋自征伐有苗鬼方始已而我馬相尋代有之元明之末禍較烈實楚南一門戶交廣黔蜀之吭也今之龍陽漢之漢壽時卽爲荊州治距益才百里獻帝在位已屬孫權曹操封關將軍漢壽亭侯若曰汝當爲蕩平此地也云耳彈丸一邑久繫重地

續輯均州志

原序

一

無怪乎城郭邱墟又何獨一縣志湮沒哉均則春秋麋國山深且險民且悍黨援庸蠻百濮嘗爲楚患戰國初困于韓繼困于秦楚新莽之際平林新市綠林湖陽武當在在鼎沸光武亦起兵舂陵蹂躪日無虛三國樊鄧麥城之交固戰場也後此兵革不勝書迄有明崇正年羣寇騷繹境上旋作栖巢若獻闖諸賊先後焚掠殺傷者十年我

國家戡定六合郝永忠猶逆命伏房縣十餘年其間竊發者日疊見未幾楊來嘉乘吳逆變奔房爲亂均逼處

肘腋殃及不少賴

今上廟署無遺聲靈四訖不血刃而平因思唐置山南東道宋分京西南路皆遣大臣領鎮明添設鄖陽撫軍節制茲土良有以也陵谷幾遷視益又甚焉將欲州志無闕失也不亦難乎余嘗攷唐太宗貶其子魏王泰均州武后曾遷中宗于房州尋遷均州宋太宗亦削其子楚王元佐爲庶人安置均州宋琪諸臣力掇得以庶人留京師宋名臣蘇轍尹洙韓維种諤范純粹使非竄逐亦不得至此蓋摧殘凋敝爲竄逐謫遷之地久矣予入境

續輯均州志

原序

二

卽於疆圉沿革民物盛衰風俗隆替一邱一壑一人一事廣爲摭輯已得強半乃於康熙二十有八年己巳季春忽值先府君變踉蹌東歸心志焚如未竟之書當於歸葬之餘完其闕畧以資異日考訂今就最關文教者姑存千百之一別爲一卷曰均州志補附志之末若夫名流譔著美不勝收俟後之君子集大成焉是爲序

續修均州志書序

志猶史也周禮小史掌邦國之志又言志豈更外別有志歟在昔如春秋所謂周志陳壽三國志華陽國志大同志括地志司馬通鑑白通志鄭樵通

續輯均州志

序

一

志志之名不可枚舉其條例尤各互異

國朝

欽定大清一統志其行省府州縣志莫不各有志

焉夫志記也建置沿革山川形勝兵制

田賦損益官師人文蔚起胥於是

乎在凡以資後人考鏡焉亦均州舊志經

前州党君居易纂於康熙二十二年江唐園

增補於康熙二十六年迄今二百稔夫年

湮代遠事多闕如光緒丁丑雲龍未牧是

邦受而讀之陰有續貂之念自維才識

續輯均州志

卷百序

二

湧陋未敢遽謀修輯會辛巳壬午間大府

迭檄催修雲龍身任地方責無旁貸意

殊愧之然也幸邑有耆紳賈金門中丞先

生胸羅千古學望兼隆自同治初解組

林泉凡有函於問邑大局決要公靡不悉

心籌畫經營殆終始若奉文修志雲龍

就而續之先生以歲久失修雖因猶創文

獻無徵諸多棘手為辭雲龍敦請再四

甫允就聘然體奉脩脯仍堅辭不受

謂雲龍曰吾邑屢值歉歲無款濟若盡

續輯均州志

序

三

以此項交由書院發典生息俟積有數

即可為平糶之資其高風古誼乃如

此於是籌費之集採事之集先生佳局

總纂又得杜君馨史蘇君筱泉賈君

春農等為之分編而校理焉遠近旁

搜賔事求是擇焉必精語多必詳寒

暑無間裒然成帙源本炳鱗誠

有足信今而傳後者且夫古柏喬松不

中大匠之繩墨不可以為棟梁也楚珎趙

璧不藉良工之琢磨不可以稱寶器也

續輯均州志

卷首序

四

遺編舊史古籍今文不得博物君子之

討論修飾不可以成鉅製鴻章也此則

斯志之續修也金先生登在局諸公

之力不虛此雲龍

修吏無文又目為東牘

所傳自始事以來曾未能以一知半解妄

參末議後之閱斯志者勿以監修之故深

推為多有勞焉幸甚幸甚志成諸君

囑序於雲龍不敢以無才辭爰記其巔

末而書其梗概正均邑為襄西名勝之

區物華天寶人傑地靈先令一切事

續輯均州志

卷首序

五

實志中已燦然明備勿俟鄙人繁稱博

引揚厲鋪張也是為序

大清光緒十年歲在甲申仲春吉日湖北花

翎補用直隸州知憲陽府均州事古諭州

馬雲龍五如甫撰并書

序

均州舊志始於前州 堂君居易而增補於 江君闔皆在康熙三十年之前其時事經草創規模甫具迨其後風氣日開而又乘以兵燹播遷其間忠義貞烈之輩夫

續輯均州志

序

一

達人文士萃然與山川雄厚之氣爭奇樹異於風霜兵革之餘完其真而葆其性顧續纂無聞其事其人法、僅得之父老傳聞為有心者所悼惜蓋舊志失脩已二百年於茲矣光緒壬午 大府有續修通志之

舉於是奉任州 馬君雲龍奉檄

重修乃延邑士之殫見洽聞品端而學粹者任以承編採訪諸事宜又禮致 金門賈公中丞總纂其成虛衷商榷一秉至公兩閱歲而事竣竊謂事之自無而有者其用力也

續輯均州志

卷首序

二

難若既有矣而又必酌其義理之平情事之當遠紹旁搜於數百年以後而有合於數百年以前之

人之事相契無間以信今而傳後焉則其用力更有難焉者矣今此志之成雖因猶創也 炳堃權篆斯

邑距書成僅數月愧未稍竭愚昧
以送諸君子後願幸逢其盛例得
列名爰撫其始終難易之實謹識
數語於簡端

光緒十年甲申六月之吉署州
事知州用湖北候補知縣湯炳堃

撰并書

續輯均州志

卷首序

三



序

均州古豫州域今隸楚西北接雍豫通巴
蜀扼鄖控荆為襄郡上游屏蔽舊有謝灘
志八卷見諸明史而其書不存

國朝康熙十有一年黨刺史居易草創州志
四卷規模甫立猶草昧初開也二十四年

續輯均州志

卷首序

一

刺史江公閼菟遺補闕增修一卷曰志補
自時厥後失修二百年矣夫志記也志已
往以鑒來茲將以觀民風定民志存乾坤
之正氣通宇宙之大觀扶世翼教與國史
相為表裏者也觀之象曰風行地上觀先
王以省方觀民設教蓋統上下而一之矣

章志貞教之源於是乎在訓俗型方之義
由此而明中正以觀天下自觀一邑始均
隸版圖二百餘載涵濡

聖化既深且長天地日獻其菁華人物丕蒸於
炳蔚日新月異繼長增高正宜登諸紀載
壽以棗栗以鳴

續輯均州志

卷首序

二

國家極盛之隆軌而令天道地寶曠遠未紀
懿範芳徽湮沒弗傳攷古者有文獻無徵
之憾雖曰良有司責哉亦豈非邦人士之
咎乎同治甲子冬余解組歸守先人之敝
廬而已習見夫士敦仁讓相安於不雕不
琢之天民尚樸誠自適其不識不知之性

其窮簷抗節委巷砥行者每振拔於艱難
險阻中而始終不渝是皆

熙朝聲教遠訖久道化成有以漸摩而鼓舞之
非獨瘠土之民好義也竊維士大夫居桑
梓間莫不有育德維風之責故於事之涉
學校關風化者兢兢焉維護而扶持之而

續輯均州志

卷首序

三

邑乘一事尤未嘗一日去懷深愧謏陋無
文捐資無力微顯闡幽徒託諸空言為鬱
鬱者久之歲丙寅署州事柳公正笏稟請
修志甫議開局遽奉諱去事遂寢越九年
甲戌王公培厚權州篆政平訟理綱舉目
張以勤民之暇為修廢之舉檢閱舊志屢

諮余謀所以續修之復因瓜代有期不果
光緒壬午 大中丞芍亭彭公飭修通志
檄下州馬刺史雲龍延邑知名士分編襄
校屬余以總其成於戲志豈易言修哉考
同辨異理取發明傳後信今辭尚體要彼
艱簡陋騁臆說者無論矣誇鴻通瓌異之

續輯均州志

卷首序

四

才者往往屢藻鋪張華言潤色炫奇博以
為紀乘光訖於政治民風奚裨余老耄迂
疏三長未具懼隕越貽榆社羞然父母之
邦既不獲以無文皤煌煌大義敢蹈靈車
惴惴小心不負初志謹淬勵精神以從諸
君子後務期綜核名實發揮憲則推禮樂

續輯均州志

卷首序

五

德刑之本以究風俗政教之機而悉著其
利弊興衰之跡憲古證今掇軼訂謬兩閱
歲而全書告歲開局伊始與分編諸同人
約存天理遏人欲放準循繩平衡絜矩以
孝弟忠信立之基以禮義廉恥樹之的勿
曰蕞爾彈丸天秩天叙一也是非不可誣
也勿曰山陬下邑人綱人紀一也名器不
可假也韓子曰春秋謹嚴志之鵠也其有
飾輪轅騫聲利言與行違者神明殛之抑
余更有請焉賢父母來撫是邦攷稽掌故
勤求治理舉士民勞來匡直輔翼而振德
之俗茂治宏蔚為名勝文章氣節上採史

垣洪惟

聖天子大觀在上觀人文以化成天下區區愚

忱竊願偕我父老子弟謳詠

休明而馨香祝之也故曰中正以觀天下自觀

一邑始是為序

光緒十年歲在甲申中秋月律中南呂日

續輯均州志

卷首序

六

聖壽星之次邑人賈洪詔謹撰

原修均州志姓氏

均州知

州黨居易子庸

均州學

正王欽命勛公

原任浙江溫州府同知歲貢生馮起龍 翊明

均州吏 目孟洪範九疇

歲貢 生唐士楨維藩

歲貢 生何進相與可

歲貢 生譚聖清景白

歲貢 生蔣一桂 畝生

續輯均州志 卷首 原修姓氏

歲貢 生史青垂白

歲貢 生譚聖任衡之

歲貢 生陳樸潛實

拔貢 生文錦繡心樸

廩增附生 員仇得祥維男

馬爾最鎔居

歲貢 蔣明源水心

生朱錦幟連璧

生員朱琪 僊芝

續輯均州志姓氏

鑒定

前湖廣總督涂宗瀛閬中

署湖廣總督湖南巡撫卞寶第頌丞

湖北巡撫彭祖賢亭

湖北布政使司蒯德標蕪湖

湖北按察使司黃彭年子壽

分守安襄鄖荆道盛植型荅洲

署襄陽府知府湖北卽補知府吉爾哈春慶陶

續輯均州志

修輯姓氏

主修

補用直隸州本任均州知州馬雲龍玉如

知州用署均州事補用知縣湯炳堃符階

總纂

前雲南巡撫賈洪詔金門

協修

前均州學正曾昭信用孚

前均州訓導曾慶蘭蓀菴

署均州學正黃福翼生

均州訓導彭大興雲峯

分纂

試用訓導丁鎮山崧麓

試用訓導賈篤本春農

候選訓導拔貢生陳業培文田

增貢生姜朝瑚珊林

邑廩生丁作模子範

邑廩生童棧薪樵

邑廩生杜傳芸馨史

續輯均州志

修輯姓氏

邑廩生蕭光焰子長

邑廩生蘇汾筱泉

考輯生朱鳳元丹山

邑廩生吉德新蓀田

校錄生丁省山季方

附貢生張茂福疇五

邑廩生王廷玉子珏

邑廩

邑廩